



UNIVERSITÄTS-
BIBLIOTHEK
PADERBORN

Cogitationes, Sive Considerationes Christianae Pro singulis Anni diebus


Complectens Aprilem, Majum, Junium

Nepveu, François

Monachii, 1709

Dies 7. De judicio universali. Mali de reatu convicti.

[urn:nbn:de:hbz:466:1-60514](https://nbn-resolving.org/urn:nbn:de:hbz:466:1-60514)

 Aprilis;

DIES VII.

De iudicio Universali.

Mali de culpa convincuntur.

I.

Dominus in iudicio peccatores convincet, dum eos ad Tribunal propriæ ipsorum Conscientiæ vocabit. *Arguam te, inquit, & statuam contra faciem tuam. po-* *Psal. 49. 21.*
nam tibi ob oculos omnes iniquitates tuas. Deus tam dilucidè peccatorem coarguet, ut delicta sua ignorare non possit. Ad hoc nec quæstione, nec tormentis opus erit. Unicus radius, ut ait Propheta, qui è facie iudicis in sceleratam hominis mentem conjicietur, omnes ex ea tenebras dispellet, cunctaque ejus crimina tam evidenter in lucem proferet, ut fieri non possit, quin reus ea clarè cognoscat. Hic aspectus ei terribilior erit, quàm aspectus dæmonum, quàm aspectus inferni. Heu! flagitiosæ istæ voluptates modò tam amœnæ ipsi videntur. Ah! quantopere tunc mentem suam mutabit, quàmque horribiles ipsi apparebunt! incassum ab ijs oculos averteret; ubique enim eæ se ipsi obtrudent: in

Aprilis.

vita gaudium ipsi peperere, in æternitate tormentum afferent.

*Instauras
testes tuos
contra me;
Job 10. 17.
clamabit la-
pis de parie-
te Habac. 2.
v, 10.*

II. Secundò. Deus peccatorem convincet, ei tam distinctè monstrando omnia peccatorum, quæ admisit, adjuncta, ut ea excusandi non sit inventurus medium. Deus ipsi monstrabit, quodnam eorum fuerit initium, quæ causa ad illa perpetranda ipsum incitavit, quàm immoderatum, & exorbitans fuerit. Producet ipsi scelerum suorum complices, qui contra ipsum testentur; omnes Creaturas, quæ scelerum fuere instrumenta, veluti testes, quod nec recusare, nec eis respondere poterit. Parietes ipsi, inquit S. Iob, qui scelera ipsius, hominum eripiunt conspectui, ipsum accusaturi insurgent. Denique infelix peccator, dum in persona iudicis sui personam Servatoris sui cognoscet, coactum se videbit, voluntate quantumvis repugnante, fateri, nihil excusationis afferri posse ab homine, qui Deum pro se mortuum offendit, Servatoremque tam Misericordem adigit, ut simul adversarium ejus agat, & iudicem.

III. Tertiò. Deus peccatorem scelerum suorum tam potenter convincet, eoque compellet angustiarum, ut afferre nihil possit quo peccatorum gravitatem immin-

minuat. Tunc non ampliùs peccata sua Aprilis;
intuebitur fallaci lumine effrænatorum a-
nimi sui motuum, sed lumine ipsiusmet
Dei, qui id ei impertiet. Eandem, quam
Deus, de illis sententiam feret, eorùmq
malitiam probè agnoscer. Sed cognitio
hæc ipsum opprimet, quia meliorem non
reddet. Deus, inquit S. Bernardus, sce-
leratorum pæna est, quia lux est, eisque
rotam criminum suorum enormitatem ob
oculos ponit, & efficit, ut se ipsos videant.
Potèstne majus esse supplicium homini tot
vitijs fædato, quàm seipsum intueri? In-
spectio alicujus speculi pæna est, homini
deformi juxtà ac arroganti. Ad eum
puniendum aptior pæna non est, quàm si
ipse sibimet ostendatur. Quàm horren-
dum spectaculum! si nunc te considerares,
tribimet ipsi displiceres, & doleres, eaque
re Deo placeres. Si tunc demum te con-
sideraveris, Deo, tibi que displicebis, sed
absque fructu, idcirco, quòd agere pœni-
rentiam ampliùs non possis.

*Proponetibi, frequenter considerare judicij
istius rigorem peccata tua agnoscendo, teipsum
accusando, & conando absolutionem ab ijs me-
reri propria tui ipsius condemnatione.*

Ponam contra te omnes abominationes
tuas. Ezech. 7. 3.

B 4

Qui

Aprilis.

Qui arguetur à Deo, arguetur à semet-
ipso. Bern. de Conf.

DIES VIII.

De cura salutis.

Salus nostra magnum est negotium.

I.

NEgotium salutis grande est negotium ;
quia unicam hoc effectus habet maxi-
mi prorsus momenti ; cum se ad infini-
tatem usque extendant, & in æternitatem
desinant ; cum hic agatur de re non mino-
ris ponderis, quàm sit animæ salutem vel
consequi, vel ad sempiternas inferorum
pænas daminari ; hoc est amittere vel ac-
quirere felicitatem æternam, & infinitam,
evitare, vel incurrere miseriam æternam, &
infinitam. Hoc vocatur negotium gran-
de. Præcipua Principum Consilia, famo-
sissima heroum facinora salutis negotio
comparata, ut sanum de re feramus judi-
cium, puræ putæ nugæ sunt, quibus præoc-
cupatio, & consuetudo, negotiorum, &
grandium negotiorum nomen dedere.
Grande nihil, præter id, quod æternum
est, præter id, quod infinitum est. Cæ-
tera